

日本逸史  
十五  
其

九  
一  
号

Z10.36

79

Vol 8



大正  
圖書  
所藏書目

滋賀縣立  
學校藏書印

日本逸史卷第十五

日本根子天排國高彥天皇

平城天皇

天皇諱安殿桓武天皇長子也母贈太皇

太后藤原乙牟漏內大臣贈太政大臣正

一位良繼女也及長精神聰敏玄鑿宏達

博綜經書工於文藻延曆元年十一月二

十五自立為皇太子日本記略二十五年三月

辛巳天皇崩於正殿皇太子哀號擗踊迷

而不起參議從三位近衛中將坂上大宿  
禰田村麻呂春宮大夫從三位藤原朝臣  
葛野麻呂固請扶下殿而遷於東廂以璽  
并劔櫃近衛將監從五位下紀朝臣繩麻  
呂從五位下多朝臣入鹿相副從之國史  
十五帝王部遣使固守伊勢美濃越前三  
十五諫問國故關是日有血灑東宮寢殿上日本壬  
午中納言從三位藤原朝臣內麻呂率參

議從四位上藤原朝臣繩主從四位下藤  
原朝臣緒嗣從四位下秋篠朝臣安仁散  
位從四位下五百枝王等奉御殿正三位  
藤原朝臣雄友從三位藤原朝臣內麻呂  
藤原朝臣葛野麻呂從四位上五百枝王  
正四位下藤原朝臣繩主從四位上藤原  
朝臣園人正四位下御長真人廣岳從五  
位上藤原朝臣繼彥石川朝臣河主從五

位下池田朝臣春野藤原朝臣永貞紀朝  
臣咋麻呂息長真人家成六位已下七人  
爲御裝束司從三位藤原朝臣乙叡紀朝  
臣勝長從四位上吉備朝臣泉從四位下  
藤原朝臣仲成文室真人綿麻呂正五位  
下藤原朝臣黑麻呂布勢朝臣尾張麻呂  
從五位上淡海真人福良麻呂從五位下  
路真人羊繼六位已下八人爲山作司從

五位下田口朝臣息繼田中朝臣八月麻  
呂六位已下爲養役夫司從五位下安倍  
朝臣益成外從五位下秦宿禰都伎麻呂  
六位已下三人爲作方相司正五位上大  
野朝臣真雄從五位下百濟王教俊六位  
已下三人爲作路司發左右京五畿內近  
江丹波等國夫五千人國史第三十五帝  
王部十五諫闈  
癸未上著服用遠江貲布頭巾用皂厚

續百官初素服第三十三帝王部以山城

國葛野郡宇太野為山陵地西北兩山有

火自焚第三十六帝王部甲申有司言上生

年反重復日並依故事停舉哀不許第三十三

帝王部十一乙酉月食丙戌日赤無光兵庫

夜鳴日本此夜月食日本丁亥日赤無光大并

比叡小野栗栖野等山共燒烟灰四滿京

中晝昏上以為所定山陵地近賀茂神疑

是神社致災火乎即決卜筮果有其祟上

曰神下出陵筮從龜卜從也今災異頻來

可不慎歟即自禱祈火災立滅國史第一三十一

部十六山陵及第五戊子新任國司準公

靡一聽貸官稍未及得分有遷代者於後

任填納第八十四政理部六公廨○類聚

三代格云太政官符應聽新任國

司借貸正稅事右被右大臣宣稱奉令旨

亡先填所<sub>レ</sub>質<sub>ニ</sub>縱<sub>レ</sub>未<sub>レ</sub>及<sub>ニ</sub>得<sub>レ</sub>分<sub>ニ</sub>有<sub>レ</sub>遷<sub>レ</sub>替<sub>ニ</sub>者<sub>ニ</sub>填<sub>レ</sub>納<sub>レ</sub>後<sub>レ</sub>仕<sub>ニ</sub>若<sub>レ</sub>過<sub>レ</sub>數<sub>ニ</sub>依<sub>レ</sub>法<sub>ニ</sub>科<sub>レ</sub>處<sub>ニ</sub>已丑先

是命所司每日進米粥勿進餘味是日羣

臣固請進膳從之<sub>第三十五帝主</sub> 癸巳令

大和伊賀兩國造行宮為齋內親王歸京

也<sub>第四神祇部</sub> 四伊勢齋宮

夏四月甲午朔中納言正三位藤原朝臣

雄友率後誅人左方中納言從三位藤原

朝臣內麻呂參議從三位坂上大宿禰田

村麻呂侍從從四位下大庭王參議從四

位下藤原朝臣緒嗣右方權中納言從三

位藤原朝臣乙叡參議從三位紀朝臣勝

長散位從四位上五百枝王參議正四位

下藤原朝臣繩主從四位下秋篠朝臣安

人等奉誅曰良哉平安宮<sub>爾</sub>御坐<sub>志</sub> 天皇

乃<sub>都</sub>天<sub>日</sub>嗣<sub>乃</sub>御名事<sub>遠</sub>恐<sub>年</sub>恐<sub>母</sub>誅白

臣未良哉日本根子天皇<sub>乃</sub>天地<sub>乃</sub>其長

久日月乃其遠久所白將去御謚止稱白

久日本根子皇統彌照尊止稱白久恐

恐母誅白臣未庚子葬於山城國紀伊郡

柏原山陵國史第三十五帝乙巳權參議

從四位上藤原朝臣園人任參議從四位

下中衛少將阿倍朝臣兄雄兼內膳權正

正五位下三緒朝臣綿麻呂任播磨守從

五位下藤原朝臣綱繼任少納言公卿補任丙

午從四位下藤原朝臣緒嗣秋篠朝臣安

人授從四位上從五位上和氣朝臣廣世

石川朝臣河主正五位下從五位下平羣

朝臣真常池田朝臣春野從五位上並以

奉侍先帝兼監護山陵也國史第九十九職官部四敘位

四戊申遣右兵庫頭從五位下佐伯王左

衛士佐從五位下百濟王教俊等迎齋內

親王於伊勢國己酉遣使奉幣於伊勢大

神宮以齋內親王歸京也

第四神祇部四伊勢齋宮

是

日從四位下藤原朝臣緒嗣秋篠朝臣安人敘從四位上從四位下巨勢朝臣野足任左兵衛督辛亥中納言正三位藤原朝臣雄友中納言從三位藤原朝臣內麻呂並任大納言權中納言從三位藤原朝臣乙叡轉任中納言參議從三位紀朝臣勝長坂上大宿禰田村麻呂並任中納言權

參議從三位藤原朝臣葛野麻呂任參議即兼式部卿參議從四位上秋篠朝臣安人任右近衛中將從五位下紀朝臣百繼任右衛士權佐三公卿補任丙辰正六位上錦部足人授外從五位下國史第九十九職丁巳攝津國住吉大神奉授從一位以遣唐使祈也

日本記略

是日右大臣從二位神王薨

天智天皇皇子田原天皇

施基皇子

孫履井親



王子也性恭謹少交接物談若雖居顯要  
克有終焉神護景雲三年正月敘從五位  
下寶龜元年十一月敘從四位下二年閏  
三月任左大舍人頭五年三月兼美作守  
七年閏八月兼下總守八年十月兼大藏  
卿十一年三月任參議敘正四位下延曆  
四年五月任彈正尹五年正月敘正四位  
上九年三月兼下總守十二年正月敘從

三位十三年十月任中納言彈正尹如元  
十五年七月任大納言十七年閏五月兼  
中務卿八月任右大臣敘從二位薨時年  
六十一一云七十遺辭云質素莫賜鼓吹者號吉  
野大臣甲寅中納言從三位藤原朝臣乙  
叡任兵部卿中納言從三位坂上大宿禰  
田村麻呂兼中衛大將公卿補任己未大和國  
葛上郡正四位上高天彥神預四時幣帛

緣吉野皇

也

國史第十神祇部十常祀

五月甲子朔從四位下吉備朝臣泉任式部大輔正五位下三緒朝臣綿麻呂任侍從丁卯贈故右大臣從二位神王正二位公卿補任乙巳敕今聞頻年不登民食惟乏雖出舉公稻而猶多阻飢因茲私託民間更事乞貸報償之時息利兼倍遂使富族之輩膏粱有餘貧弊之家糟糠不厭空貸正

稅濟彼絕乏須差使實錄貧人結保給之

若有亡者令保內填其情涉愛憎退弱進

強及補填未納兼收私債者發覺之日必

處重科待民稍給乃從停止

國史第八十四政理部六

借貸及第一百七十一災異部七凶年

是日行七七御齋於寢

日本記略

庚午敕云云其左右京竝天下諸

國待大袂使到被清然後釋服不得自此

飲食作樂并著美服

國史第三十五帝王部十五諫闈 ○日本

記略云羣臣  
上表云云  
壬申敕永停五位已上進裝

馬第七十三歲時已卯停諸國雜費腹赤

魚木蓮子等以息民肩也第三十三帝王部十三御膳

是日從四位上五百枝王上表請賜春原

朝臣姓敕許之公卿補任

大同元年五月辛巳即位於大極殿詔曰

云云敘位有差國史第九十九職官部四敘位四〇日本記略云即

位於大極殿改元大同非禮也國君即位踰年而後改元者緣臣子之心不忍一

而有三從三位藤原朝臣內麻呂敘正三

位正四位下藤原朝臣繩主敘從三位任

太宰帥正五位上三緒朝臣綿麻呂敘從

四位下從五位上阿倍朝臣兄雄藤原朝

臣真夏並敘正五位下從五位下藤原朝

臣藤嗣藤原朝臣繩繼並敘從五位上公卿

補壬午追尊皇太后為太皇太后皇后為

皇太后詔彈正尹基嵯峨定賜皇太弟日本記略

大納言正三位藤原朝臣內麻呂任右大臣參議從四位上藤原朝臣園人兼皇太子傅敘正四位下勳二等參議從四位上秋篠朝臣安人兼東宮大夫正五位下安倍朝臣兄雄敘從四位下藤原朝臣冬嗣任東宮太進敘從五位下公卿補任丁亥始置六道觀察使日本記略參議從三位藤原朝臣葛野麻呂任東海道觀察使參議從三位

藤原朝臣繩主任西海道觀察使參議正四位下藤原朝臣園人任山陽道觀察使參議從四位上藤原朝臣緒嗣任山陰道觀察使參議從四位上秋篠朝臣安人任北陸道觀察使從四位下吉備朝臣泉任南海道觀察使中納言從三位藤原朝臣乙叡兼衛門督從四位下阿倍朝臣兄雄任大膳大夫兼近江守從四位下巨勢朝

臣野足任左京大夫從五位上藤原朝臣  
道雄任內匠頭兼但馬守坂田朝臣弘貞  
任少內記公卿補任己丑增加太宰府大少監  
大少典各一員日本略記  
六月癸巳朔云云又東宮舍人者依令取  
蔭子孫及位子儀容端正工於書算者補  
之而頃年率爾兼取白丁下改此例一依  
今條國史第一百七職官是日太政官符禁  
上部十一二春宮坊

制太宰府少貳已上及所管五位已上就  
使入京事右得山陽道觀察使正四位下  
藤原朝臣園人解傅西海道年中上都雜  
使其數繁多而此道疲弊殊於他界檢察  
其由率緣迎送無息不得顧私望請西海  
道五位已上自今以後自非秩解任者不  
聽輒入京者右大臣宣奉敕依請類聚三十一代格第一  
七 乙未從五位下多治比真人今麻呂任

美作介公卿補任辛丑詔外祖父贈從一位內

大臣藤原良繼追贈正一位太政大臣外

祖母贈從一位尚藏安陪朝臣古吳奈贈

正一位又詔藤原某朝臣追贈皇后諱帶

子百川女也帝在儲宮納之為妃日本記略庚

子下五畿內七道諸國符云云見弘仁十一年四月

丙戌壬寅敕諸王及五位已上子孫十歲

以上皆入大學分業教習云云日本記略癸卯

律師永忠言伏見公私齋會預先備擬造

食或炎夏盛熱鬱爛醜生或正冬嚴寒熱

美凍口遠近駝遂糜費財飲食麤惡不

堪入口元擬招福及致譏嫌伏請自今以

後一依本教均平行食施者心行平等受

者少欲知足又佛法本意深信肅清設齋

之日必須飲食豐濃不得輕眇不足請須

示天下曉喻百姓者許之國史第一百八十一卷佛道部十三

僧供乙巳奉為先帝度僧一百五十人尼五

十人第一百八十七佛道部十四度者戊申從四位下三緒

朝臣綿麻呂任中務大輔辛酉從五位上

藤原朝臣藤嗣敘從四位下公卿補任

閏六月甲子從四位下吉備朝臣泉任準

參議丙寅中務少丞安陪朝臣寬麻呂任

伯耆介乙亥參議從四位上山陰道觀察

使藤原朝臣緒嗣俄遷畿內觀察使從四

位下阿陪朝臣兄雄任山陰道觀察使公卿

補任丁丑廢勘解由使國史第一百七職官丁

亥從四位下南海道觀察使吉備朝臣泉

兼右京大夫辛卯從四位下吉備朝臣泉

任參議從四位下阿陪朝臣兄雄任準參

議公卿補任

秋七月壬辰朔北陸道觀察使右大辨秋

篠朝臣安人為御齋會司日本記略戊戌改紀

伊國安壽郡為在田郡以詞涉天皇諱也

國史第二十八帝 王部八天皇避諱 敕今聞畿內敕旨或分

用公水新得開發或元墾墾地遂換良田

加以託言敕旨遂開私田空遣使勘察若

王家有此類亦空同檢第百五十九田壬

寅聽以白丁百人補東宮舍人永久為例

第百七職官部 甲辰詔曰公卿奏曰就吉

之後還御新宮請預營構者云云朕為民

父母不欲煩勞思據舊宮云云於是百官

拜賀日本記略 乙巳參議從四位上右大辨秋

篠朝臣安人轉左大辨參議從四位下吉

備朝臣泉兼右大辨準參議從四位下阿

陪朝臣兄雄兼右京大夫從五位上藤原

朝臣道雄任右中辨公卿補任 壬子 中內記

定置內記史生四員國史第百七職官部

代格云太政官符令定內記四人 大內記 二人 右依舊正六位上官少內記二人 右



定正七位上，官以前  
右大臣宣奉敕如件

八月甲子免畿内被水害百姓田租其正

稅者聽明年納之國史第八十三政理部  
五免租稅及免田租

戊辰太政官符應聽左右京五畿内隱首

括出附帳事右太政官去延曆十九年十

一月二十六日下民部省騰敕符備都鄙

之民賦役不同除附之事損益已異今聞

外民挾奸競貫京畿隱首括出二色是也

非唯增口貪田實亦冒名假蔭如不改轍

何絕詐偽自今以後一切禁斷者右大臣

宣奉敕令禁隱首頗棄人民之胤復斷括

出還增浮宕之類宜依今條聽附籍帳但

冒名假蔭依法科罪類聚三十一代  
格第七辛未下符

云云見弘仁八年十一月二十  
月二十五日符癸酉從四位下阿

陪朝臣兄雄任右兵衛督甲戌右大臣正

三位藤原朝臣内麻呂兼侍從丙子少内

記坂田朝臣弘貞任少外記公卿補任己卯武

藏國獻白鳥賜獲者伊福部淨主稻五百

束國史第一百六十一壬午救夫功德之興因

心各別何則或甲構堂宇乙寧得為己是

以大小諸寺每有檀越田畝資財隨分施

捨累世相承崇敬至今如聞王臣勢家不

顧本願而追放檀越改替綱維田園任意

或賣或耕各稱己寺還致損穢若有斯類

者五位已上錄名奏聞六位已下禁身進

上又其檀越子孫總攝田畝專養妻子不

供眾僧宜簡氏中情存弘道者充第一百八

部七諸寺○類聚三一代格云太政官符應

禁刑制畿內諸寺除檀越之外王臣家預寺

事右被右大臣宣稱奉教夫功德之興因

心各別何則或甲構堂宇乙寧得為己是

以大小諸寺每有檀越田畝資財隨分施

捨累世相承崇敬至今如聞王臣勢家不

願本願而追放檀越改替綱維田園任意

或賣或耕各稱己寺還致損穢宜早下知

若有所類者五位已上錄名奏聞六位已

下禁身進上又縱雖有愚暗檀越盡舉寺

日本通史卷第... 十七

家一知<sub>レ</sub>意與<sub>レ</sub>化而事既<sub>レ</sub>乖<sub>レ</sub>道不<sub>レ</sub>得<sub>レ</sub>彼此相<sub>レ</sub>其  
付<sub>レ</sub>預<sub>レ</sub>其<sub>レ</sub>禮<sub>レ</sub>越<sub>レ</sub>于<sub>レ</sub>孫<sub>レ</sub>總<sub>レ</sub>攝<sub>レ</sub>田<sub>レ</sub>畝<sub>レ</sub>專<sub>レ</sub>養<sub>レ</sub>妻<sub>レ</sub>子<sub>レ</sub>不  
俱<sub>レ</sub>衆<sub>レ</sub>僧<sub>レ</sub>先<sub>レ</sub>禁<sub>レ</sub>制<sub>レ</sub>訖<sub>レ</sub>定<sub>レ</sub>簡<sub>レ</sub>氏<sub>レ</sub>中<sub>レ</sub>情<sub>レ</sub>存<sub>レ</sub>  
弘<sub>レ</sub>道<sub>レ</sub>者<sub>レ</sub>充<sub>レ</sub>之<sub>レ</sub>凡<sub>レ</sub>此<sub>レ</sub>庶<sub>レ</sub>事<sub>レ</sub>勿<sub>レ</sub>致<sub>レ</sub>疎<sub>レ</sub>略<sub>レ</sub>乙酉參  
議東海道觀察使從三位藤原朝臣葛野  
麻呂言延曆十七年格出舉正稅穀收立  
爲恆例者而今奉敕稻有早晚各任土空  
而盡穎爲穀種子難辨空本者收穎利者  
納穀不絕本穎迴充種子本稻之外不得  
收穎若有過限收穎者國郡官司科違敕

罪者今或國司等偏執此格公廩利並年  
中雜用皆悉令糴其收穎穀之意本爲遠  
貯而今日勞糴明年盡用徒有民弊曾無  
公益伏望依延曆十一年十一月二十八  
日格年中雜用並公廩等稻不勞爲糴以  
省民弊者許之

第八十三政理部五免田  
租○類聚三代格云太政

官符應停止除出舉正稅本稻之外盡令  
糴事右得東海道觀察使從三位行式部  
卿藤原朝臣葛野麻呂解傳檢太政官去  
延曆十八年五月二十一日下諸國符傳太

政官去延曆十七年九月十七日符傳自  
今以後出舉正稅給穀收穀立為恆例者  
今被右大臣宣稱奉敕如聞稻有早晚各  
任土宜而盡類為穀種子難辨宜本者收  
類利者納穀不絕本類迴充種子本稻之  
外不得收類若有過限收類者國郡官司  
科違敕罪者今或國司等偏執此符公麻  
利稻并年中雜用皆悉令糴其收糴之儲  
將充遠貯而今日勞糴明年盡用徒有民  
弊曾無公益望請依延曆十一年十一月  
二十十八日符年中雜用并公麻等稻不勞  
為糴以省民弊者右大臣宣奉敕依請

丁亥敕如聞七道諸寺檀越等或佃寺田  
不納租米或費燈分稻不事燃燈或貸用

錢物經年不還或奴婢牛馬役用私家如  
此之流觸類繁多加以寺山樹木任意斫  
損愛憎自由改補三綱有一於此豈謂檀  
越從今有犯科違敕罪國司三綱衆僧知  
而容隱亦與同罪

第百八十一佛道部七諸  
寺○類聚三代格云太  
政官符應禁斷七道諸國諸寺檀越等佃  
寺田地并費用雜物事右被右大臣宣稱  
奉敕如聞檀越等種佃寺田不納租米或  
費燈分稻不燃燈或貸用錢物經年不  
還或驅使牛馬兼役家人如此之流觸類  
繁多加以寺山樹木任意斫損愛憎自由

改補三綱一有於此豈謂檀越從今而後始若有犯者科違教罪國司三綱來僧知而容隱亦與同罪

九月壬子遣使減左右京及山崎津難波津酒家甕以水旱成災穀米騰糶也國史第一百

七十一三災異部七凶年

冬十月辛酉令天下諸國以今月十一日

素服舉哀改葬皇統彌照天皇也國史第一百三十五

帝王部十一壬戌敕夷俘之徒慕化內屬居五諫閣

要害地足備不虞宜在近江國夷俘六百

四十人遷太宰府置為防人每國掾已上

一人專當其事驅使勸當勿同平民量情

隨宜不忤野心祿物衣服公糧公田之類

不問男女一依前格但防人之糧終口永

給口分由者以前防人乘田等給之其去

年所置防人四百十一人皆宜停廢第一百九十九

風俗部是日中納言從三位紀朝臣勝長停囚

薨元名梶長大納言正三位船守一男也  
性潤有雅量好愛賓客接待忘倦饗宴之  
費不問出入步射容儀應為師模但至犬  
馬翫好之物不免嗜欲也延曆四年十一  
月敘從五位下五年正月任近江守十年  
正月敘從五位上十一年九月任兵部少  
輔十二年正月敘正五位上五月轉兵部  
大輔十三年正月敘從四位下二月任式

部大輔十四年二月任右中辨兼右衛門  
督十五年正月任參議六月任右兵衛督  
為造東大寺長官十六年三月兼右京大  
夫十七年正月兼近江守十八年二月兼  
左兵衛督十九年正月敘從四位上二十  
年正月敘正四位下二十一年正月敘正  
四位上十一月敘從三位是年四月任中  
納言薨時年五十三

公卿  
補任

甲子敕內典之

弘仁三年符式作威

門持戒為首苟有犯破誰弘厥道然則道之盛衰良由其人保護國家無不率斯故緇徒之禁具載科條凡在非違準法應勘今得少僧都忠芬狀僧尼行業或不如法即律教中已設明制禁斷之事請準教旨夫緇素異形內外殊趣空依所請任令遵行但殺人奸盜此是不輕隨犯還俗一如外法國史第一百八十六佛道部十三僧尼雜制丙寅太政官符

應改七位初位當色事右被右大臣宣備奉敕今聞漢家之制略異此間綠縹之淺不著當色知而不改服制無節蕃客朝覲如見之何宜七位者同著深綠初位者其服深縹自今以後立為恆例衣服令集解庚午改葬皇統彌照天皇於柏原陵天皇御前殿東廂下羣臣於前殿舉哀春宮官屬於坊內並朝夕二時文武百官素服一日各

在所職不就哭泣國史第三十五帝辛未

典履二人百濟手部十人典革一人狗部

六人百濟戶狗戶隸內藏寮許之第一百七

職官部是日太政官符聽陸奧出羽兩國

正員之外擬任郡司軍役事右中納言征

夷大將軍從三位兼行中衛大將陸奧出

羽按察使陸奧守勳二等坂上大宿禰田

村麻呂起請備郡司之任職員有限而邊

要之事頗異中國望請擬任幹了勇毅之

人依請為防守警備之儲者右大臣宣奉敕

依請類聚三代壬申中務治部民部刑部

大藏宮內等六省省掌準式部兵部二省

聽把笏國史第一百七職官部十一中務省

敕凡貢采女事明令條皆限四十已下十

三已上今須氏之長者擇氏中端正女貢

之其十三已上之徒心神易移進退未定



空采女年三十已上四十已下無配耦者  
或貢後適入必令貢替又官途息忙獨難  
取捨緩急之事當有授助空長者相補令  
得仕進第四十後一宮部采女○職員令集  
解云官符云應令貢氏女事右檢  
令條諸氏氏別貢女皆限年册已下十一三  
已上而中間停廢略无道行今被右大臣  
宣稱奉教凡作女者氏之長者擇氏中端  
正女貢之其十一三以上之徒心神易移進  
退未定空采女年册已上册以下時無夫  
者或貢後適人必令貢替又官途息忙獨  
難取捨緩急之事當有授助空長者  
相補令得仕進自今以後立為恆例丁丑

堤疑當作界

賜藤原朝臣佐禰子度二人第一百八十七  
佛道部十四  
度是日定河內攝津兩國堤日本  
記略己丑禁  
夜祭作琴歌國史第七十九  
政理部一禁制天下諸國  
租之法復不三得之例第八十三  
政理部五免田租  
十一月庚寅禁諸國所貢絹純等六丈之  
外更加二尺以為裏料國史第八十  
政理部二布帛長短法  
辛卯下諸國符云云見弘仁七年十一月四日符乙未  
太宰府言管內諸國水旱疾疫每歲相仍

百姓彫亡田園荒廢伏望特免田租以濟  
窮弊但隨損害定年遠近敕筑前肥前者  
空免二箇年筑後肥後豐前豐後日向大  
隅薩摩壹岐等者並免一箇年國史第一八  
部五免租稅及第一百七  
十三災異部七凶年政理  
等三國頻年不稔民弊殊甚空始自今年  
六箇年田租免四收六丙申備後安藝周  
防三國田租限六箇年免四收六以民凋

弊

第八十三政理  
部五免田租

戊戌散位從四位下三

緒朝臣大原卒二品長親王之孫從三位  
智努王第九子也智努王天平勝寶四年  
賜姓文室真人大原延曆十一年改三緒  
朝臣頻出外任不被勘解由遂卒私宅三  
公

補任引日  
本後紀云

壬寅以大原內親王爲伊勢齋

內親王己酉遣近衛權中將從四位下藤  
原朝臣眞夏等於伊勢大神宮告以易齋

內親王事也

國史第四神祇部四伊勢齋宮

乙卯見侍五

位已上及近中衛二府官人已下賜綿各

有差

第七十八賞宴部下賞賜

十二月癸亥敕左右大舍人自今而後以

蔭子孫補之以外一切停補簡試以容止

端正工於書算者補之但曰非有別敕以

外不得妄以雜色及畿外人補之

國史第一百七職

官部十二大舍人寮

乙丑賜故右大臣正二位神玉

度十人

第一百八十七佛一、道部十四度者

壬申遣唐判官正

六位上高階真人遠成授從五位上遠成

卒爾奉使不違治行其意可矜故復命之

日特授焉

第九十九職官部四敘位四

甲戌奉為先帝

度僧百五十人尼五十人

第一百八十七佛一、道部十四度者

是年也太歲丙戌

二年春正月庚寅朔上不受朝諒闇也

國史

第三十五帝王部十五諒闇及第七十一歲時部二元日朝賀

癸巳任官

日本 記略 參議從四位下安倍朝臣兄雄任近

衛中將甲午從四位下三緒朝臣綿麻呂

任右兵衛督公卿補任辛丑免丹後國加佐郡

百姓租調以水害殊甚也國史第八十三政理部五免租

稅是日遣使奉大唐綵幣於香推宮日本記略

壬寅太政官符應給府使部書生等借貸

稻事右得太宰府解備檢例帳備直府使

部二百人散仕一百人四月上旬使部九

十許人書生十許人量其官仕分為三等

以正稅稻給借貸借貸官物非法所聽覺

舉停止但件使部書生等不顧產業遠直

府下頗賜借貸濟其家運雖然務劇賞薄

進少退多今依法意已從停止人望已絕

物情難勸望請依舊貸賜者右大臣宣奉

敕依請類聚三十一代格第八丙午獻唐國信物於諸

山陵日本記略己酉太政官符應七道諸國催

植桑漆事右東海道觀察使從三位行式  
部卿藤原朝臣葛野麻呂奏稱桑漆之課  
具載今條易殖易生養乃成林至于採用  
公私由之然國郡官司不務催殖既致闕  
乏謹按天平二年五月六日格稱諸國所  
進桑漆等帳或因循舊案但改年紀或虛  
作增減與實不同自今以後嚴加捉搦依  
令殖滿每年巡檢申之如遣使勘會與實

不同者國司必加貶責郡司解卻見任自  
今以後永為恆例者然猶積習生常狎法  
無悛望請下知當道交替分附若不填數  
者拘畱解由以懲不填其貶責解任一依  
先格者右大臣宣奉敕依奏自餘諸國亦  
同準此類聚三十一代庚戌任官日本小野朝  
臣峰守任畿內觀察使判官公卿補任壬子任  
官日本正五位下春宮大進藤原朝臣冬

嗣轉任亮公卿補任丙辰大唐信物綾綿香藥

等班賜參議已上卿國史第七十八賞宴部下賞賜

二月己未朔敕據假寧令五位已上欲出

畿外奏聞然則自非經奏不可出外如聞

或就私事恣赴畿外量彼景迹良乖憲法

從今而後非資內印不得輒出若有違犯

錄名奏申或國司阿容不申其科違敕罪

國史第七十九政理部一禁制辛酉將有大嘗之事伊勢

送庭 一作 送繼

國為由貴備前國為須貴第八神祇部從

五位下紀朝臣廣濱授正五位下第九十一職

上高階真人真永從五位下官部四敘位

四壬申左京人調田送庭毆父猶之法律

罪當斬刑而時屬諒闇不忍行誅特宥處

遠流配伊豆國第八十七刑法部一配流丁亥任官日本

記從四位下三緒朝臣綿麻呂任右京大

夫正五位下紀朝臣廣濱任左中辨公卿補任

三月辛卯前賜季祿日不參五位及雜六位以下既科違敕所犯事輕贖銅還重加以六位以下應至解官空範諫納以存懲肅其犯違法令空處以恆科若事違彈例卽科違式罪國史第八十一七刑法部一斷例相模國愛甲郡人物部國吉女一產三男賜稻三百束第五十四人丁酉制夷俘之位必加有功部十多產

而陸奧國司遷出夷俘或授位階或補村

長寔繁有徒其費無極自今以後不得輒

授若有功効灼然酬賞無已者按察使處

分然後敘補不得國司輒行第一百九十一風俗部俘囚

戊申任官庚戌羣鳥數千翔鳴空中日本記略

夏四月戊午朔天皇始御前殿七衛府各

奉獻宴飲終日賜五位以上綿有差國史第七

十八奉獻物癸亥太政官符應前後國司共

署不與解由狀事右得山陰道觀察使近

衛中將從四位下安倍朝臣兄雄解傅國  
司交替式例具備決付領之煩以斷新舊  
之論也而比年諸國司等交替之時彼此  
相論各是己言申請誼譁或稱新任之官  
所勘乘理解任之人尚被抑屈或稱分付  
受領是非其任同時之官託言一人如此  
之類觸途繁多聽訟之官時勞勩鞠成案  
之吏徒煩刀筆若殊不立例濫訴難遏今

須交替對檢之日情有不穩甄錄所執載  
不與解由之狀前後共署限內言上不得  
彼此遞各申請然則是非之端已明割斷  
外無稽擁望請下知當道依件合行如慣  
常不悛尚致違犯置之恆典不可寬宥者  
被右大臣宣稱依請其餘道并五畿內亦  
準此類聚三代格第五丙寅右大臣正三位藤原  
朝臣內麻呂奉獻飲宴賜五位已上衣被



國史第七十一八 壬申令諸國隨國大小以奉獻部獻物

正稅貸國書生以其不願私產常具國廳

也 第八十四政理部六借貸○類聚三代格云太政官待應借貸正稅諸國書生

等事大國一萬束上國八千束中國六千束下國四千束右得山陽道觀察使正四位下守皇太弟傳兼行宮內卿勳五等藤

原朝臣園人解解備前國解解書生等申己等白丁課役之民而長直公事不願私

業或久經京下水妨農業或巡行部內私費入馬身勞不異郡司榮祿還無所賴伏

望待被申官借貸正稅各以救乏者國司勘之有事有合於仍請使裁者使等商量賞

則招人餌則聚魚若不加以優於則部內公

文將託誰一人望請當道諸國隨國大小正

稅一萬二千束以下八千束以上每年借

貸令自勸勉謹請處分者右大臣宣奉救

空作差給之若未納今國司填之立為

恆例十五畿內七道 癸酉詔空罷參議號獨

置觀察使所食封邑各二百戶東海道觀

察使從三位藤原朝臣葛野麻呂西海道

觀察使從三位藤原朝臣繩主山陰道觀

察使正四位上菅野朝臣真道山陽道觀

察使正四位下藤原朝臣園人畿內觀察

日本通史卷第十五

三十二

使從四位上藤原朝臣緒嗣北陸道觀察  
使從四位上秋篠朝臣安人南海道觀察  
使從四位下安倍朝臣兄雄各停參議號使  
從四位下安倍朝臣兄雄各停參議號使  
公卿補任 丙子皇太子奉獻飲宴終日賜五位  
以上祿有差 國史第七十八 奉獻部獻物 是日正五位  
下藤原朝臣真夏敘從四位下 公卿補任 己卯  
詔云云近衛府者為左近衛中衛府者為

右近衛 日本記略 內大臣正三位近衛大將藤  
原朝臣內麻呂為左近衛大將中納言從  
三位中衛大將坂上大宿禰田村麻呂為  
右近衛大將 公卿補任 癸未敕宮人之職所掌  
不輕隨事充用必可喚名今勘于禮家世  
以上喚其名然則先朝後宮喚名不便空  
停先朝夫人已下任官者 國史第四十後宮部宮人職員  
乙酉從四位下藤原朝臣真夏任右近衛

中將公卿補任

五月戊子朔雨雹日本記略庚寅停圍司奏事

令內舍人奏之其儀一如圍司國史第一百七職官部

十二內舍人及第四十後宮部圍司是日賀茂御祖神別雷

神並奉授正一位日本記略辛卯先是帝城北

野開新埒以備馬射壬辰鸞輿晨駕臨御

馬臺大雨終日埒地泥濘四衛射畢冒雨

還宮及乎後年依無便復本處國史第七十三歲時

部四五癸巳曲宴賜四位已上衣被第一三十一月五日

帝王部十一二庚子出雲國采女外從五位

下勝部公真上告病歸鄉便賜彼國稻五

百束第四十後宮部采女及第一七十八賞宴部下賞賜是日廢聖

武皇帝國忌日本記略癸卯停諸國貢采女國史

第四十後宮部采女壬子地大震第一百七十一災異部五地異甲

寅賜左右近衛府生已上及女官物有差

第七十八賞宴部下賞賜

六月甲子山陰道觀察使正四位上菅野

朝臣真道兼刑部卿公卿補任辛未雨雹日本記略

壬申曲宴賜五位已上衣被國史第三十二帝王部十

二天天皇遊宴及第七十五歲時部六旬宴乙亥賜從五位下三

善宿禰姊繼度二人第一百八十七佛道部十四度者丙子

任官日本記略從四位下藤原朝臣真夏任武

藏守公卿補任壬午任官日本記略武藏守藤原朝

臣真夏兼阿波守從五位上藤原朝臣綱

繼任右衛門督公卿補任

秋七月丙戌朔曲宴賜五位已上衣被國史

第七十五歲時部六旬宴是日任官日本記略壬辰御神泉

苑觀相撲今文人賦七夕詩後日文人賜

綿有差國史第七十三歲時部四七月七日及相撲壬寅幸神

泉苑賜五位已上衣被第三十一帝王部十一天皇行幸下

丙午近江國蒲生郡人秦刀自賣一產二

男一女賜稻三百束第五十四人部十多產乙酉畿

內國司聽私佃守十町介八町掾六町目

四町史生二町云云日本記略甲寅幸神泉苑

賜五位已上衣被國史第三十一帝王部十一天皇行幸下

八月丙辰任官日本記略癸亥遣使奉神寶並

唐國信物於伊勢大神宮國史第三十二神祇部三伊勢大神

宮曲宴賜觀察已上被四位衣第三十二

二天丙寅太政官符神主遭喪解任服遊宴

關復任事右檢按內太政官去延曆十九

年十二月二十二日下神祇官符備諸國

神宮司等並限以六年補替之事先立例

訖右大臣宣件神宮司未滿限年若有服

解不得補替仍令神主並祝行事服闋之

日復任滿限者今右大臣宣奉敕神主服

限年一同官司服闋復任豈可異例自今

以後空同復任又或社有任神長事乘通

例其有官符任神長者空改為神主類聚

格第一 丁卯太政官符應併省春宮職員事

右被右大臣宣稱奉敕分官設職雖載今

條隨時制宜非無舊事今主書主漿主兵

等署職務少事官人多員空主書主兵併

主藏主漿併主膳每監加置令史一員職

令集己巳大和山城二國定八島河上柏

原等山陵兆域陵之四至各有其限其百

姓田並地在八島河上二陵界內者以乘

田賜之但地者準沽賜直國史第一三十一六

帝王部十六山是日右大臣正三位藤原朝臣內麻呂

中納言從三位坂上大宿禰田村麻呂從

四位上藤原朝臣緒嗣從四位上秋篠朝

臣安人從四位下巨勢朝臣野足各兼侍

從公卿甲戌下十五條憲法乙亥任官日本

記從四位上春原朝臣五百枝任武藏守

從四位下藤原朝臣真夏任中務大輔從

五位上藤原朝臣道雄任美作守公卿補任乙

卯齋內親王禊於葛野川即移入野宮國史

第四神祇部辛巳任官日本記略武藏守春原

朝臣五百枝遷讚岐守公卿補任癸未幸神泉

苑宴五位以上賜綿有差國史第三十一卷帝王部十一

皇行幸下

九月戊子律師傳燈大法師位脩哲免以

綱政不修及對詔使無禮也國史第八十一卷刑法部

罪斷己丑正五位下紀朝臣廣濱任內藏頭

從五位上藤原朝臣綱繼任美濃守從五

位下右衛士權佐紀朝臣百繼轉任正佐

公卿補任癸巳幸神泉苑觀射詔曰今詔久弓

射都可波須事波本與正月乃行事奈利但

正月者三節占カカリ豐樂聞食之雜事毛繁久無

暇支月奈利此月者時毛涼久射禮都可波

須爾毛便爾在利又九月九日者菊花豐樂

聞食日爾在止忌違所有爾依比年之

間停支奈聞行須然時節止云物者不可

虛擲止自昔云來留事毛在依互奈此乃

豐樂聞食之始賜布故是以御酒賜倍惠

良支退止之互酒幣乃大物賜止宣賜親

王已下文人已上物有差國史第七十一二

日射禮及第七十四乙亥山陽道觀察使

正四位下皇太弟傳兼宮內卿藤原朝臣

園人言播磨國內封戶巨多運租之勞於

民為弊加以界近都下雜用繁多動用穀

類不足支用不動之貯以為只九萬斛熟

尋其源由封戶之數多也伏望請減省春

宮坊竝諸去五百戶料附東國即收其

租以為不動然則弊民斯息貯物自積者

許之第一八十三政理庚子任官辛丑

夜荒祭宮御前方黑斑文牛一頭倒亡斃



畢仍彼宮御祭直會行事於大神宮神司  
殿奉仕但宮司代以大中臣氏安令保奉  
畢被宣旨云宮司補任之間以氏安可令  
勤仕神主者爰件牛斃事禰空司代共申  
上本官因之彼宿直內人三人科中被舉  
大<sub>一</sub>神宮諸  
雜事記 甲辰依令定左右大舍人員各  
八百人先是改令半減至此復舊國史第  
百七職  
官部十一二  
大舍一人寮 乙巳幸神泉苑琴歌間奏四位

已上共排菊花于時皇太弟頌歌云美那  
比度乃曾能可邇米豆雷布智波賀麻岐  
美能於保母能多乎利太流祁布上和之  
曰袁理比度能己己呂乃麻真丹布智波  
賀麻宇倍伊呂布賀久爾保比多理介利  
羣臣俱稱萬歲賜五位以上衣被第一三十一  
部十一一天  
皇行幸下 乙酉皇后奉獻飲宴終日賜五  
位已上衣被第七十八奉  
獻部獻物 壬子東山道觀

察使從四位下安倍朝臣兄雄言當道諸國正稅公廩準戶口數增減為舉許之第八十三政理部五免田租是日太政官符應禁斷兩京巫覡事右被右大臣宣稱奉敕巫覡之徒好託禍福庶民之愚仰信妖言淫祀斯繁厭呪且多積習成俗虧損淳風空自今已後一切禁斷若深崇此術猶不懲革事覺之日移於遠國所司知之不糾鄰保匿而

相容並準法科罪類聚三十一代格第十一

冬十月丙辰敕令三位以上竝著淺紫日本

記略戊午敕據令倉給用皆乘官符而今

官符下中務省移諸司然後出羽大乗

令意宜改此例依令條國史第八十四

官物丙寅相模國人大田部直守宅賣一產

一男二女賜稻三百束第五十四人乙巳

停內豎隸左右大舍人寮各一百人第七職

官部十一二 大舍人寮 辛未定左右衛士府官人服色

大尉六位著深綠少尉七位著同色主師

著紺布先是大尉著緋少尉主師著淺綠

無所據是以改壬申公卿議奏曰云云頃

年國司交替皆四考為限宜以六歲為限

許之日本記略丙子太宰府言壹岐多襖兩島

校出隱田一百四十町須準諸國例賜島

司公廨田并郡司職田以外悉班田百姓

口分云云者許之國史第一百五十九辛巳

蔭子藤原宗成勸中務卿三品伊豫親王

潛謀不軌大納言藤原雄友聞之告右大

臣藤原內麻呂於是親王遽奏宗成勸己

反之狀即繫宗成於左近府日本記略壬午車

駕楔於葛野川緣大嘗事也山城國奉獻

賜五位已上國史第八神祇衣被部八大嘗會癸未繫

宗成於左衛士府按驗反事宗成云首謀

叛逆是親王也遣左近中將安倍兄雄左  
兵衛督巨勢野足等率兵百四十人圍親

王第日本  
記略

十一月乙酉停大嘗事亂故也國史第八  
神祇部八

大嘗會徙親王并母夫人藤原吉子於川原

寺幽之一室不通飲食日本  
記略是日下符云

云見五十年三  
月一日符甲午詔曰云云解卻謀反之

輩又以廢親王之狀告于柏原山陵日本  
記略

大納言正三位藤原朝臣雄友坐親王事

配流伊豫國依外舅也中納言從三位藤

原朝臣乙叡解官從四位上秋篠朝臣安

人左遷造西寺長官公卿  
補任乙未親王母子

仰藥而死時人哀之日本  
記略丙申停正月七

日十六日二節國史第七十一  
七十一歲時部二

時部三十  
六日踏歌是日配流宗成等乙亥任官日本

記略中納言從三位坂上大宿禰田村麻呂

兼兵部卿正四位上菅野朝臣真道任民部卿從四位上藤原朝臣緒嗣任左大辨從五位上藤原朝臣道雄任大學頭公卿補任庚子停京戶口田投外國之例國史第一百五十九田地部上口分田是日今修造大井日本記略辛丑停諸國貢采女唯釋留其年老有勞者四十二人任舊終身若敘五位已上及補雜色者即除采女名國史第四十後宮部采女是日制正權官

依階為次日本記略壬寅從四位上藤原朝臣

緒嗣辭左大辨不許公卿補任是日奏一品已

下食封并四位位祿等依令條而內外五

位未有所定偏據格旨還忌祿令臣等商

量良須折中伏請依例定以為恆例政事要略

乙巳任官日本記略丙午下符云云見五一年三月一日符

十二月甲寅朔太宰府言於大野城鼓峰

興建堂宇安置四天王像令僧四人如法

修行而依制旨既從停止其像并法物等  
竝遷置筑前國金光明寺畢其堂舍等今  
猶存焉而遷像以來疫病尤甚伏請奉遷  
本處者許之但停請僧修行國史第一百八  
十佛道部七  
諸寺及第一百七十一  
八佛道部五修法 乙丑詔曰云云宜百姓  
所輸調庸雜物推改常法今須一丁輸絹  
若絕長一丈闊二尺四丁成匹其餘準此  
折中商量勤從輕薄納民富壽將待人給

家足復於恆典

第八十政理部  
一一布帛長短法

辛未公卿

奏言謹檢今條尚侍者供奉掌侍奏請宣  
傳而祿令準從五位典侍者若无尚侍代  
掌宣傳而準從六位掌侍者雖不得奏請  
而臨時處分得預宣傳而準從七位所務  
是重準位猶卑伏望昇進爵級品秩相當  
尚侍準從三位典侍從四位掌侍從五位  
許之第四十後宮部內侍司  
○類聚三一代  
格云太政官謹行奏擬定位階事內侍

尚侍二人右件祿令準從五位今準從三位官典侍四人右件祿令準從六位今準從四位官掌侍四人右件祿令準從七位今準從五位官右謹檢令條尚侍者供奉掌侍奏請宜傳典侍者若無尚侍代掌宜傳掌侍者雖不得奏請而臨時處分得預宣傳由茲準量所務是重而準位猶卑祿賜欠少伏望昇進爵級品秩相當臣等商量所定如前謹錄事狀伏聽天裁謹以申聞謹奏聞

**壬申宴侍臣文武官宣事者給綿有差觀察使已上重更賜衾**第一三十一二帝王部**戊寅遣使賑給京中疫者**第一百七十一三災具部七疾疫**壬午太政官符應**

調庸麤惡及違期未進依律科罪各令填納事右按厩庫律云應輸課稅及入官之物而巧偽濫惡者計所闕準盜論主司知情與同罪賊盜律云竊盜一尺杖六十一端加一等五端徒一年五端加一等四十二端遠流是麤惡之罪也戶婚律云輸課稅之物違期不充者以十分論一分笞四十分加一等國郡皆以長官為首佐職節

承和 格全 作今 入作 充

級連坐注云全違期不入者徒二年是未  
進之罪也被右大臣宣稱奉敕貢調違期  
輸物濫惡法有恆科理合遵行而國郡怠  
慢不憚憲章仍承前立格數施嚴制主典  
已上差充專當如有違闕解任決罰使無  
返抄不預釐務相代奉使同奪公廩而國  
郡官司曾不改悛空設條章何能懲肅加  
以使未了事偏不預釐務傷官有故誰可

從改夫罰不在重法費必行準據法律實  
足懲革自今以後空改前格一依律條更  
莫寬宥使差主典以上公勤幹了者充之  
若有未進者空依延曆十四年七月二十  
七日符上下作差割公廩料辦備令進類聚  
三代格 是冬鳥雀乳桃李華日本  
第八 記略

日本逸史卷第十五



日本逸史卷第十五

*[Faded bleed-through text from the reverse side of the page, including characters like 日本, 逸史, 卷第十五, and various names.]*

日本逸史卷第十六

大同三年春正月癸未朔廢朝以風寒異常也宴五位已上於前殿賜物有差國史

十一歲時部二元戊子曲宴賜五位已上

日朝賀宴會附出己丑敕夫輸納官物

求被節制分明勸責違闕科條嚴峻而所司怠

慢鮮有遵行不加督察何以懲肅安諸國

所進雜物全好濫惡之品竝見進未進合

期過期等事國別細勘具錄上奏各期限  
月後三十日內奏盡即當隨事黜陟以勵  
將來兼下刑部依法科處第八十四政理部六出納官物  
遣使賑給京中疫病百姓第一百七十三災異部七疾疫  
壬辰任官日本記略從五位上多朝臣入鹿任  
右少辨公卿補任甲午遣使將醫藥治京中病  
人乙未遣使埋斂京中骸骨救項者疫癘  
方熾死亡稍多庶資惠力救茲病苦空令

諸大寺及畿內七道諸國奉讀大般若經

又給京中病民米竝鹽鼓等國史第一百七十一災異部

七疾疫庚子曲宴賜侍臣衣被第七十一二歲時部三子日

曲宴壬寅詔曰觀時改制論代立規往古相

沿來今莫革故虞夏分職損益非同來之

變通何常準之有也思欲省司合吏少牧

多事致人務於清閒期官僚於簡要減內

舍人定四十員其畫工漆部二司併內匠

察隼人司併衛門府贓贖司併刑部省刑  
部解部空從省廢管陶司併大膳職主醬  
主菓餅空從省廢鍛冶司併木工寮官奴  
司併主殿寮縫部采女二司併縫殿寮內  
禮司併彈正臺喪儀司併鼓吹司內兵庫  
併左右兵庫主者施行第一百七職官部十一  
二及職員令集解  
癸卯任官日本  
記略從四位下三緒朝臣綿麻  
呂任左大舍人頭從四位下藤原朝臣藤

嗣任右京大夫公卿  
補任丁未正六位上宇智  
王仲雄王竝授從五位下從四位下安倍  
朝臣兄雄正四位下從四位下吉備朝臣  
泉巨勢朝臣野足從四位上正五位下藤  
原朝臣今川安倍朝臣牧麻呂紀朝臣廣  
濱從四位下從五位上百濟王聽哲坂田  
宿禰奈豆麻呂多朝臣入鹿安倍朝臣鷹  
野大伴宿禰久米主正五位下從五位下

紀朝臣越麻呂石川朝臣淨直藤原朝臣  
城主從五位上外從五位下林宿禰佐婆  
豐崇宿禰廣人正六位上藤原朝臣貞本  
紀朝臣繼足管野朝臣高世佐伯宿禰耳  
麻呂田口朝臣雄繼從五位下正六位上  
按井宿禰家主山口連弟繼外從五位下  
國史第九十九職官部四敘位四是日給右京遭疫者綿  
第一百七十三災異部七疾疫庚戌禁葬埋於河內國交

野雄德山以採造供御器之土也第九十七職官部四敘位四

部一始令內舍人與監物主計其出納諸禁制

司雜物其辨官中務民部等並不預焉第一百

七職官部十辛亥正六位上大枝朝臣繼二內舍人

吉授從五位下以勤鑄錢之事也第九十九職官

部四敘位四在尾張國佐美親王墾田八町為

公田以為民有妨也第一百五十九田部上公田

二月癸丑朔曲宴賜五位已上衣被國史第七

十五歲時，部六旬宴丙辰減大學直講博士一員置

紀傳博士第百七職官部十一大學寮○

博士一員右大臣宣奉敕割直講員置件博士其官位同直講敕今聞

往還百姓在路病患或因飢渴即致死亡

是誠所司不存格旨村里無意看養也又

頃者疫癘死者稍多屍骸無斂露委路傍

甚乖掩骼埋胔之義宜令諸國巡檢看養

一依先格所有之骸皆悉收斂焉第百十七災

異部七丁巳任官日本丙寅曲宴賜侍臣

衣被國史第一三十一帝主戊辰太政官符

圖書寮造筆元六八一人今造紙手元八一人今

右大臣宣奉敕年料造紙其數不多所

有紙手用造既無食料又年中造筆無有

定數依臨時宣造備供奉準量所用造手

有餘竝從減省職員令甲戌任官日本丙

子御大極殿祈禱名神為天下疫氣方熾

也國史第一百七十三庚辰木工寮奉獻曲

宴賜五位已上被有差辛巳右大臣藤原

朝臣奉獻賜五位已上衣服第七十八奉

詔曰朕孝誠有闕奉親無從橋山崩心仰

遺劔而已遠穀林茹恨望遊冠而何及況

復春風動樹結蓼思於終秋露霑叢貫

棘心於畢地夫三月者先皇帝及皇太后

登遐之月也在於感慕最似不堪三日之

節宜從停廢第七十三歲時

三月癸未朔令天下諸國七日之內共講

仁王經為疫病也庚寅內裏及諸司左右

京職講說仁王經為濟疫病也國史第一百

甲辰黃雨丁未任官日本戊申省

中務省史生十員國史第一百七職官是日

太政官符應官家功德分封物依舊收東

大寺事右檢校內太政官去延曆十四年

六月十一日下民部省符傳太政官去寶龜十一年十二月十日下造東大寺司符傳被內大臣宣傳奉敕東大寺封五十戶就中官家修諸佛事分二千戶空收於別庫以充每年安居國忌及雜齋會料度仍三綱寺司與諸司相對出納者右大臣宣奉敕件物收置別倉出納諸司往還有煩空自今以後收納官庫修行功德之日隨

用出充者今右大臣宣奉敕詔書傳朕有所思空其依舊還收寺家充用佛事仍大和國司與僧綱及三綱計會出納者空依詔書并寶龜十一年十二月十日符依舊收納當寺別庫充用官家修功德分國司諸綱相對出納其收物畢即申民部省至於出用待官符行仍年終造納物并用殘等帳申送

類聚三  
代格第八

乙酉大田親王薨庚

戊黃雨日本記略

夏四月己未任官日本記略甲子內舍人二十

人準于監物賜馬料以出納官物國史第百七職

官部十二丁卯有二鳥集居犬養門柳樹

上接翼交頸俱死經日不墜為人被打墜

日本記略乙亥幸神泉苑賜五位已上衣服國史

第三十一帝主部辛巳驛鈴遺在廊下自

鳴日本記略

十一天皇行幸下

五月壬午朔曲宴賜五位已上衣服國史第七

十五歲時甲申衛門佐安陪真直侍醫出

雲廣貞等撰大同類聚一百卷奉進日本記略

是日前中納言從三位藤原朝臣乙叡薨

右大臣繼繩二男母尚侍從三位百濟王

明信寶龜九年二月任內舍人延曆元年

六月任兵部少丞三年五月敘從五位下

七月任侍從四年正月任權少納言五年



正月敘從五位上六月轉少納言六年三月任右衛士佐五月任中衛少將十月敘正五位下七年二月兼下總守八年十一月任大藏少輔九年三月兼信濃守任兵部大輔兼右兵衛督十年十月敘從四位下十一年四月轉左兵衛督十二年五月任左京大夫十三年十月任參議十四年二月兼侍從任主馬頭十五年正月兼伊

豫守十六年正月敘從四位上二月兼越前守三月任中衛大將十八年正月敘正四位下六月兼兵部卿十九年正月敘從三位二十年八月任山城守二十二年正月兼近江守閏十月任權中納言二十五

年四月轉中納言兼兵部卿五月兼衛門督大同二年十一月坐伊豫親王事解官母百濟王明信被牽寵渥乙獻以父母之

驕好 一作 驅妙

後造 一作 造後 母

故頻歷顯要至中納言性頑驕好妾而綠  
 山晴水多置別業信宿之以女內事推國  
 天皇平城也為太子之時侍宴傾酒不數天  
 皇令之後造伊豫親王事辭退寃歸于第  
 自無罪以憂終時年四十八公卿補任丙戌停  
 馬射以天下疫病也敕如聞大同元年洪  
 水為害餘弊未復去年以來疫病流行橫  
 斃者眾顧彼困厄深懷矜憇恩施恩德以

慰黎蒸空大同元年被水損七分已上戶

所舉正稅未納悉從免除國史第七十三

五日及第一百七十是日曲宴第七十三歲

三災異部七疾疫是日曲宴第七十三歲

五日及第一百三十一帝戊子幸神泉苑第三十一

帝王部十一天今畿內七道諸國停貢相撲

人第七十三歲乙丑遣使療治左右京病

民第一百七十庚寅任官日本正四位

下藤原朝臣緒嗣任陸奧出羽按察使公卿

始一 補  
任 如  
奔一 走  
作 走  
屬一 屬  
作 屬

瘵一 瘵  
作 病  
忌一 忌  
作 安

辛卯詔曰朕以寡昧虛嗣丕基履薄始  
傷黔首之隱是恤馭奔若屬紫宸之尊非  
寧克己思治勵精施政而仁無被物誠未  
感天自從君臨豈徵斯應頃者天下諸國  
飢餒繁興疫癘相尋多致夭折朕之不德  
青及黎庶撫事責躬怨焉疹首或恐政刑  
乖越上爽靈心渙汗煩苛下貽人瘵此皆  
朕之過也兆庶何事靜言念之無忌監寐

詩不云乎民亦勞止汔可小康其畿內七  
道言上飢疫諸國者今年之調宜咸免除  
仍國司親巡鄉邑醫藥營救兼令國分三  
寺轉讀大乘一七箇日左右京亦宜遣使  
者加賑贍庶幾為善有効濟困窮於畝糧  
修德不虛返遊魂於代山錄務崇寬惠副  
朕意焉  
國史第一百七十三  
災異部七 疾疫  
甲午幸神泉苑  
宴羣臣賜錢有差  
第三十一 帝王部  
十一 天皇行幸下  
乙未

任官

日本記略

從四位上巨勢朝臣野足任近

江守

公卿補任

丙申播磨國獻白鷺二

國史第一二百六十一

五祥瑞部上鷺

丁酉太政官謹奏省太宰府監典

各二員置筑前國司事守一員介一員掾

一員大少目各一員右謹按今條太宰府

帶筑前國自爾已來或別或隸至延曆十

六年又廢國隸府今得府解俾臨交替事

細加檢校未進調庸竝欠失正稅器仗戎

具等類每物有數此是攝行之日彼此相

讓無心國政之所致也望請分置官人以

為別當專一其心今濟國務然則帶國之

名不乖今條欠負之煩絕於國內者臣等

商量承前府帶之時或下官符而定別當

或府司相量分置其人同僚之官兼預國

務勘責雜怠不同比國望請省大同元年

所增監典便充補國司庶令所守有別各

濟繁劇謹錄事狀伏聽天裁謹以申聞謹

奏聞類聚三代格第五戊戌東宮奉獻賜五位已

上衣被國史第七十八庚子山陽道觀察

使正四位下皇太弟傅兼宮內卿藤原朝

臣園人奏當道播磨備中備後安藝周防

等五箇國去延曆四年以降二十四年已

往庸竝雜穀等未進其數不少良由頻年

不稔人民凋弊也今將追辨本色國司則

或死或替相續難百姓則且病且飢運

伏望未進代一收穎稻混合正稅

庶於公無損於民有便但任觀察使以來

依舊令辨進許之第八十三政理壬寅

奉黑馬於丹生川上雨師神祈雨又任官

日本從四位下藤原朝臣仲成任右大辨

從四位下藤原朝臣藤嗣任兵部大輔公卿

補甲辰雨羣臣言今日甘雨不可不賀皇

任

帝曰朕亦有此情終日有司奏樂賜物有

差日本記略是日從四位上吉備朝臣泉任左

大辨公卿補任己酉從六位下坂上大宿禰大

野授從五位下國史第九十九職是日任

官日本記略東山道觀察使正四位下安倍朝

臣兄雄遷畿內觀察使公卿補任

六月壬子朔曲宴賜五位已上衣被國史第七

十一歲時是日任官日本記略丁巳太政官符

停止給新任國司等公糧事右西海道觀

察使太宰帥從三位藤原朝臣繩主奏稱

準延曆二十五年三月二十四日令旨新

任國司初到任所未給公廩資用乏少空

各準公廩四分之一借貸正稅者然則新

任之用以此足矣而依舊給糧於事重疊

望請當道公糧永從停止者右大臣宣奉

敕依請自餘諸道亦宜準此田令集解己未太

宰府并管内諸國官人歷以爲五年庚申  
任官甲子禁中橘樹凋枯經日忽生花葉  
楚楚可愛因是右近衛府奉獻宴飲壬申  
令親王以下進役夫爲防葛野川也日本  
記略  
從五位下紀朝臣百繼任上野權介是日  
從四位上藤原朝臣緒嗣上表辭右衛門  
督刑部卿等公卿  
補任丙子任官日本  
記略正四位  
下藤原朝臣園人任民部卿公卿  
補任乙卯任

官日本  
記略正四位下菅野朝臣真道任左大

辨從四位上吉備朝臣泉任刑部卿公卿  
補任

庚辰式云無品親王食封二百戶男女並

同但敘品之後一從停止見四年六月二十三日  
官奏

秋七月辛巳朔日有蝕之日本  
記略甲申太政

官符諸國定額寺燈分稻可使預講師三

綱事右被右大臣宣傳奉敕國內庶務觸

事繁多宜其燈分料稻停預國司便令講

師三綱依件出舉省察依例勘之僧綱亦

加檢校立為恆例不得漏失類聚三代格第一三丁

亥幸神泉苑觀相撲令文人賦七夕詩國史

第七十三歲時部四乙丑從五位下紀朝

臣百繼任越前介公卿補任辛卯宴賜侍臣衣

被國史第七十五歲時部六旬宴壬辰敕符云云見弘仁十年六月

月二日符乙未任官日本記略丙申太政官符應令

國司出納八幡大菩薩宮雜物事右得太

宰府解備太政官去延曆十八年十一月

五日符備府解太政官去年十二月二十

一日符備大菩薩竝比咩神封一千四百

十戶宣納府庫者豐前國解備神宮司申

云比咩神封六百十戶之物與大菩薩封

物共納府庫由是春秋祭料無物可用者

所申有實謹請處分者右大臣宣奉敕宣

府官檢校割充祭料所殘雜物便納神宮



仍即府官宮司相共出納者府依符旨相  
共出納而道路稍遠有煩遣使加以檢前  
例神宮當國等司相共檢掌出納望請準  
先例付國與宮共今出納但年終用狀勘  
錄今申謹請官裁者右大臣宣奉敕依請  
類聚三代  
格第一是日太政官謹奏加置官員事  
內藏寮今加少允一員右件供御忙劇兼  
候別救伏乞更加件員大藏省今加大丞

一員大錄一員右件出納事官員欠少伏  
乞更加件員大膳職今加少進一員少屬  
一員右件依今年正月二十日詔書省宮  
內司併於件職又主醬主菓餅等雖謂從  
停廢其政復歸職然則務繁人少伏乞更  
加件員以前雖官職之員今條立限而臨  
時取空政道攸尚伏乞依件廢置各理其  
務臣等商量所定具件如前謹錄事狀伏

聽天裁謹以申聞謹奏聞職員令庚子停

內藏寮御履長上一人內膳子食長上一

人料理長上一人國史第一百七職官部十

是日太政官謹奏廢省官員并減定人數

事衛門府右件謹按今條禁衛宮掖以時

巡檢斯衛士府之職也今衛門所掌復不

異於此徒設官員事乖忙劇伏請一從廢

省其諸門禁衛出入禮儀及門籍門扇等

事同令衛士府主之然勒負為名年紀積

久今廢彼混此雖不改文字號曰左右勒

負府又門部者掌率衛士守諸門亦請分

配左右左衛士府右衛士府主師六十人今廢

衛士六百人今定五百人門部百人今置左兵衛

府右兵衛府兵衛四百人今定三百人使部三十

人今定十人右件斟酌職務今所減定如前伏

奉今月十五日詔書七衛府雜任以下員

伍稠疊空從減省卿等詳議定數奏聞者  
伏奉詔書如右官職之設固嫌殷繁宣導  
之方唯務簡要是以隨時損益權宜弛張  
聖詔所及冠絕古今臣等不揆淺近濫叨  
周行伏膺綸旨敢以斟量戰悚之誠倍百  
恆品臣等商量具件如前謹錄事狀伏聽  
天裁謹以申聞謹奏聞職員令 辛丑曲宴  
賜觀察使已上衾四位已上衣國史第七  
十五歲時

部六 是日令內親王並命婦進堀葛野川  
旬宴 役夫日本 壬寅從五位下紀朝臣百繼任  
左衛門權佐公卿 丁未幸大堰賜五位已  
上衣被國史第三十一帝王  
八月庚戌朔曲宴賜五位已上衣被國史  
十五歲時 左右大舍人寮加少屬一員第  
部六旬宴 七職官部十加內藏寮少允一員內藏  
二大舍人寮 云其隼入司依今年正月二十日詔書既

從廢省併衛門府而衛門府併左右衛士  
府仍更此司隸兵部省但廢佑一員使部  
二人隸人加大藏省大丞大錄各一員大藏  
省加大膳職少進少屬各一員大膳職  
云是日加少壬子任官日本敕齋宮寮之  
納言一員炊部司元長官一人而今改置長官主典  
空準舍人藏部等司官位國史第一百七職  
寮○類聚三代格云太政官符炊部司長  
官主典官位事右得齋宮寮解備件司

長官一人而今改置長官主典未審官位  
仍請處分者右大臣宣奉敕空準舍人藏  
部等司是日太政官符應年中雜用停用  
官位  
新類先盡舊穀事右檢據令條凡貯積者  
稻穀粟支九年又太政官去天平十二年  
八月十四日符傳其官用便用遠年不動  
穀天平寶字七年三月二十五日符傳不  
動倉鈎匙自今以後進上於官但穀有須  
用臨時請之者然則貯支之事既立年限

雖曰不動必有可用而諸國司等不存公  
平頃年所行既乖令格令遠年舊穀徒損  
倉中救急之儲誠非其資今被右大臣宣  
稱奉敕宜自今以後年中雜用除進官春  
米以外停用當年新穎先盡遠年不動當  
年所輸新穀即委以為不動但論定本穎  
及公廩等之類竝依大同元年八月二十六  
五日符收穎類聚三代格第八乙卯令諸國進格

帳為諸國雜徭差役各殊也

國史第八十  
政理部一雜

公乙丑野狐窟朝堂院中庭常棲經十餘

日不見日本記略辛未幸神泉苑飲宴極歡賜

五位已上綿各有差國史第三十一帝王  
部十一天皇行幸下

是日從四位下紀朝臣廣濱任美濃守從

五位下左衛門權佐紀朝臣百繼轉正佐

公卿補任癸酉廢監物主典國史第一百七職  
官部十二監物乙

亥齋內親王禊於葛野川即移入野宮第四

神祇部四  
伊勢齋宮

丙子夜左右兵庫鉦鼓自鳴日本

記略

西國通志卷之四十一

九月辛巳敕伊勢大神並度會二宮大內人各三員元是白丁自今以後空預外考

竝把笏國史第十九神祇部十九內人庚寅太白晝見日本

記略癸巳齋內親王向伊勢國史第四神祇部四伊勢齋宮

戊戌幸神泉苑有敕令從五位下平羣朝

臣賀是麻呂作和歌曰伊賀爾布久賀是

爾阿禮波可於保志萬乃乎波奈能須惠

乎布岐牟須悲太畱皇帝歡悅即授從五

位上第一三十一帝王部十一天皇行幸及第九十九職官部四敘位四敕

去五月詔書曰言上飢疫諸國者今年之

調宐咸免除者然則遭疫國內便須咸免

詔旨分明不足致疑今聞或國司等免見

病之輩徵未病之民愚吏之失還致民憂

空早下知莫令更然其浪人調竝中男作

物只準於此第百七十三災已亥詔曰云

云空要劇馬料時服公廨悉革前例普給

眾司詳為條例具以奏聞第八十四政理部六公廨〇日

本記略云詔曰官多則政黷人少則事稽云云庚子教去大同元

年十一月六日格云頻年不稔民弊特甚

非有輕租何得自存伊賀紀伊淡路三箇

國田租始自今年六箇年□不四得六亦

今年三月十九日格云云備後安藝周防

等國田租不四得六有疑通計空

率免四收六莫用通計之法第八十三政理部五免田

租壬寅太政官符應禁斷飼鷹事右檢按

內太政官去寶龜四年正月十六日下彈

正臺左右京職五畿內七道諸國騰教符

傳養鷹者先既禁斷頃年以來無事棄日

時暫遊覽特聽一二陪侍者令得養欲送

無事之餘置實非凡庶之通務如聞京畿

諸國郡司百姓及王臣子弟或詐稱特聽  
或假勢侍臣爭養鷹鷄競馳郊野公違禁  
制理須懲肅所司承知嚴加禁斷莫令更  
然若猶不改者六位以下不論陰贖科違  
敕罪五位已上錄名言上者被右大臣宣  
傳奉敕私飼鷹鷄已經禁斷今一切欲制  
事不獲已宜聽親王及觀察使已上并六  
衛府次官已上特令將飼但馳逐田畝損

傷民產之類令所司錄名言上其所聽人  
等太政官給隨身驗所司加檢校然後聽  
飼若無官驗輒飼鷹者六位已下禁身鷹  
進上五位已上錄名言上阿容不言者同  
科違敕罪類聚三代十一乙巳太政官符東山  
道出舉正稅事右凡出舉正稅者總計國  
內課丁量其貧富出舉百束以下十束以  
上依差普舉不須偏多各為二春秋均給



竝對檢班給不許詐冒或負死者令國司  
審察依實免除若所司許容奸詐者科違  
救罪永不任用若有人糾告其物即給告  
人自餘庶事一同常例類聚三代格第八

冬十月己酉朔宴五位已上賜綿有差國史

第七十五歲時部六二孟是日任官日本記略乙卯遊獵于

北野布勢內親王奉獻飲宴極日有司奏

樂賜五位已上衣被國史第三十二帝王部十一二天皇遊獵

丙辰左衛士坊失火燒百八十家賜物有

差第一百七十三災異部七火丙寅賜畿內觀察使正四

位下安倍朝臣兄雄病料物丁卯安倍朝

臣兄雄卒從五位上糶出孫無位道守子

也傳云性尤亮直有耿介之節所歷之職

以公廉稱伊豫親王無罪而廢上感怒羣

臣莫敢諫者兄雄云爭雖不能得論者義

之人云達文堪武云云延曆十九年正月

敘從五位下二十年二月任少納言二十年  
五年二月任中衛少將四月兼內膳權正  
大同元年五月敘正五位下又敘從四位  
下任大膳大夫兼近江守閏六月兼山陰  
道觀察使任準參議七月兼右京大夫八  
月兼右兵衛督二年正月任近衛中將四  
月停參議號使是年正月敘正四位下五  
月遷畿內觀察使公卿補任是日太政官謹奏

祿令  
集解  
執作  
範

應賜位封依今條事右謹按祿令王臣官  
封各有等次但五位已上不在此例而慶  
雲年中更昇差數延及四位大同元年大  
納言已上職封復舊加畢然則雖有加給  
未見職省所據行事理合同軌伏請從今  
而後一品以下食封竝四位之祿等竝依  
今條但先經恩賜不更收還其加階進級  
之日即便迴給各得其所凡法令之與其

來尚矣有國通規不易之典而一則遵行  
一則無據臣等商量良不可然謹錄事狀  
伏聽天裁謹以申聞謹奏聞類聚三代格第八庚  
午羣鳥集朝堂院東一殿啄剥一欄日本記略  
乙亥行幸近江國大津修禊以御大嘗也  
丁丑制稽於前例大嘗散齋三月也自今  
以後以一月為限國史第八神祇部八大嘗會  
十一月己卯太政官符春宮坊鷹令隨坊

驗事右太政官去九月二十三日下臺并  
兩職符傳親王及觀察使已上六衛府次  
官已上特聽養鷹仍太政官給隨身驗所  
司加檢校然後聽之者今右大臣宣奉敕  
件鷹宜便令隨坊驗但雖有其驗於民致  
妨隨事勘當一依先符類聚三代格第十一辛巳任  
官日本記略丁亥官奏內外五位位祿準授今  
格事正五位純六匹格員八尺綿六屯格員八屯絲

并六約格員布卅六端格員卅庸布二百

卅常以二丈八尺為一段百十一端一丈二尺格員五十四段今定一百十端

從五位純四匹格員六尺綿四屯格員六屯絲卅約

令布卅九端格員卅六端庸布一百八十常以

文八尺為一段八十三端一丈六尺格員卅段今定八十一段右據祿令所

定如件外正五位純四匹格員綿四屯格員絲

十三約格員布卅四端格員庸布六十段令

格員卅七段外從五位純三匹格員綿三屯格員絲

十約格員布卅端今定格員十八端庸布卅段今

格員右準大寶元年格并折中祿令所定

如件以前檢太政官去大同二年十月十

九日奏一品已下食封并四位位祿據格

旨還忘祿令臣等商量良須折中伏請依

件定以為恆例其女祿亦準此減半謹錄

事狀伏聽天裁謹以申聞謹奏聞集解戊

子敕如聞大嘗會之雜樂伎人等專乘朝

日本通史卷第十六 二十八

憲以唐物為飾令之不行往古所譏宜重

加禁斷不得許容國史第八神祇部八大嘗會庚寅從

四位上巨勢朝臣野足任春宮大夫公卿補任

辛卯奉幣於伊勢大神宮以行大嘗事也

是夜御朝堂院行大嘗之事壬辰於豐樂

殿宴五位已上二國奏風俗歌舞賜五位

已上物及二國獻物班給諸司癸巳宴飲

終日賜五位已上衣衾國史第八神祇部八大嘗會甲

午奏雜樂竝大歌五節舞等賜由貴主貴

兩國國郡司役夫物各有差從五位下葛

井王授從五位上正六位上城王從五位

下從四位下三緒朝臣真屋麻呂藤原朝

臣大繼從四位上從五位上高橋朝臣祖

麻呂藤原朝臣經彥藤原朝臣道雄紀朝

臣田上藤原朝臣真雄正五位下從五位

下永原朝臣最弟麻呂大伴宿禰入益石

川朝臣繼人三島真人羊嗣百濟王元勝  
多治比真人今麻呂紀朝臣繩麻呂讚岐  
公千繼藤原朝臣山人安倍朝臣真勝大  
中臣朝臣智治麻呂從五位上正六位上  
大中臣朝臣弟守紀朝臣越永安倍朝臣  
寬麻呂藤原朝臣弟葛多朝臣人長安倍  
朝臣清繼齋部宿禰廣成從五位下外從  
五位下秦宿禰都伎麻呂外從五位上正

六位上名草直道主外從五位下又賜五  
位已上階衣丙申從四位上藤原朝臣緒  
嗣吉備朝臣泉授正四位下女敘位云云  
第八神祇部八大嘗會及第九十九職官部四敘位四  
甲辰任官日本  
略從四位下紀朝臣廣濱任右京大夫從  
五位上多治比真人今麻呂任太宰大貳

公卿  
補任

十二月戊申朔曲宴奏樂五位已上賜衣

被<sub>國史第七十五</sub> 辛亥任官<sub>日本</sub> 壬子敕

定額隼人若有關者宜以京畿隼人隨闕

便補之但衣服粮料莫問舊人特準衛士

給之其女者不在補限<sub>國史第一百九十一</sub> 甲

寅大雪宴飲終日五位已上賜綿有差<sub>第</sub>

<sub>六十五祥</sub> 壬戌太政官符停止并減定諸

司等長上事圖書寮造紙長上二員右減

一員定一員造筆長上造帙長上右並停

止內藏寮典履三員右減一員定二員典

革長上造油繩長上御履長上造御櫛長

上右四員並停止縫殿寮漆師二員右並

停止織部司挑文師四員右減二員定二

員以前被右大臣宣稱奉敕件司等長上

數停止并減定如件永為恆例<sub>職員令</sub> 戊

辰從六位上息長丹生真人文繼授從五

位下外從七位下日置臣登主外從五位

下第九十九職官 甲戌官符云初任官人

季祿事右依令自八月至正月上日一百

廿日以上者給春夏祿秋冬之祿亦如此

則六月之內上日三分之二已上乃給季

祿而承前之例初任之官不限日之多少

皆依給祿之例今被右大臣宣稱奉敕自

今以後改張此例起自任日至子限月上

日不滿三分之二者不在給例又二月八

日

日上旬新任者雖祿文未奏而既在限外

宐入後季計日給之其給馬料亦準此例

祿令 丙子免伊賀國大同元年正稅未納

萬九千束以水害殊甚百姓凋弊也第八十一

政理部五 格云云見四年九月庚午符

四年春正月戊寅朔廢朝風寒異常也日本

記 宴五位已上正三位藤原朝臣內麻呂

授從二位國史第九十九職 甲申宴待臣

官部四敘位四



賜衣被第一部七十一歲時 丁亥令諸國停獻

正月七日十六日兩節會珍味以煩民也

第一三十一三帝王部十一三御膳及第一 壬辰有

天登大極殿西樓上吠鳥數百羣翔其上

癸巳任官日本 從五位下藤原朝臣冬嗣

任侍從公卿補任 乙未令天下諸國為名神寫

大般若經一部奉讀供養日本 戊戌曲宴

奏樂賜四位已上被國史第一七十一二 庚子

任官日本

二月丁未朔曲宴賜四位已上被國史第一

歲時部 戊申太政官符畿內七道諸國司

解由狀事右按公式 令云官人判事案成

自覺不盡者聽舉牒追改又名例律云公

事失錯自覺舉者原其罪因茲準量雖前

司既得解由後人若不盡而覺舉者無妨

追返頃年所行良無法意而檢去延曆二

十三年勘解由使所奏交替式云新任國  
司檢物違法今須交替之日欠負之物令  
細搜勘一度申畢若有遺漏事須覺舉一  
舉之後不許更申如猶不謹再三追申此  
乃受領之後更致欠損仍須物懲後人罪  
同前格以此觀之交替之日須一覺舉與  
解由後卒不可舉然則使奏之日已破法  
意破法之後何乘式旨今被右大臣宣傳

奉敕隨時制宜古來攸同自今以後覺舉  
之事一依式例若與解由之後猶有遺漏  
雜事卽罪署人兼令填償其前任勘付新  
司受領務從精細勿致疎略類聚三代丁  
巳宴五位已上賜布有差國史第七十五  
歲時部六旬宴  
是日有敕聽右大臣內麻呂著中紫朝服  
已未任官日本  
記略內舍人和氣朝臣真綱任  
治部少丞公卿  
補任乙丑太政官謹奏佐渡國

今置丞一員，隱岐國。今置丞一員，右件兩國僻在邊遠，官員乏少，居上之人若有事，故者則典代之掌印，求之道理良不穩便。伏乞更置件員，以備職務。謹錄事狀，伏聽天裁。謹以申聞。謹奏。聞。類聚三代格第五 己巳加云云中監物二員，少監物二員。國史第一百七職官部 十一二監物。○日本記略云：加少納言一員，壬申皇帝不豫，天皇不豫。

閏二月乙酉，令天下諸國進捨膂力人。國史

第十七十三歲時部四相撰 庚寅廢減供御并年中雜用。

諸司官人，已下月料。第一百七十三災 癸巳

請行僧二十人，於內裏讀經。第三十四帝王部十四天

皇不豫 丁酉制越前國氣比，神豐前國八幡

大菩薩宮司等遷替之日，準國司與解由。

第十九神祇部十九神宮司及第八十政理部二解由

三月己未，減內記史生二員。國史第一百七職官部十一二

內加記內藏寮史生二員內藏寮加陰陽寮史

生二員陰陽寮減內匠寮史生二員內匠寮減

雅樂寮史生一員雅樂寮加兵部省史生四

員兵部省始置隼人司史生二員隼人司始置

囚獄司史生二員囚獄司加大藏省史生八

員大藏省始置織部司史生二員織部司加大

膳職史生四員膳職減木工寮史生四員

木木工寮加主殿寮史生二員主殿寮始置內膳

寮

司史生二員內膳司始置主水司史生二員

主水司減彈正臺史生二員彈正臺減東西市

司史生一員東西市司○職員令集解云

司史生員事左馬寮四員元二員今加二員

員右馬寮四員元二員今加二員左兵庫

二員右兵庫二員右新置如件云云以前

被右大臣宣稱奉敕夫官職之員事資間

繁寮司之務就無繕寫而諸司史生先無

定準或ハ關此員實乖適時宜量事廢置令

濟登務者謹依敕旨加

增并新置等員如件 辛酉山城國獻白

鼠日本丙寅定雅樂寮雜樂師歌儻師四

日本通史卷第十六 三十六

人 按符日歌師四人儻師四人 笛師二人

唐樂師十二人 符日唐樂師十二人橫笛師合笙師簫師篳篥師尺八師笙篳篥師箏師琵琶師

方磬師鼓師歌師儻師 橫笛師二人高麗樂師四人

麗樂師四人橫笛篳篥莫目儻等師也 符日

高麗樂師四人橫笛師 百濟樂師四人

笙篳篥莫目儻等師也 符日百濟樂師四人

莫目儻等師也 符日新羅樂師二人

新羅樂師二人琴儻等師也 符日新羅樂師四人

度羅樂師二人鼓儻等師也 符日度羅樂師二人

樂師二人林邑樂師二人 符日林邑樂師二人今置○國

史第一百七職官 部十二雅樂寮 己巳緣修宮殿欲斲御於

辨官廳而役夫一人自辨官南門墜死仍

停焉 第二十八帝王部八天皇遷御 乙亥從三位坂上大

宿禰田村麻呂藤原朝臣葛野麻呂並授

正三位正四位上菅野朝臣真道正四位

下藤原朝臣園人並從三位 第九十九職官部四敘位

四

夏四月丙子朔讀經宮中又遣使於京中  
諸寺誦經天皇自從去春寢膳不安遂禪  
位於皇太弟國史第三十四帝王部十四天皇不豫

日本逸史卷第十六

